



彙纂麗史

食貨志

卷三十一

リ 6
4062
8



四
4062
22-8

木齋家塾彙纂麗史卷之十六

食貨志



蓋聞國之興也法簡而事省故其取諸民也輕取諸民也輕則民生遂田野闢而財不可勝用矣財不可勝用而用之有節則其國日富上下俱給禮俗興行及其既富也生物之理不能無盈虛盛衰之變於是財日就於耗而人心日趨於驕奢如堤決河潰不可禁遏而以日耗之財供無窮之欲則用不可節用不可節則其取諸民也重取諸民重則流逋衆而田野日蕪其國必貧國貧則弱綱紀未振而先王之法壞



內而權豪蠹竊潛蝕外而隣敵侵暴噬齧百弊俱興
其端無窮而不可勝杜於是乎事不可省事不可省
則設爲法多方以取諸民法愈繁而民愈困愈困愈
極則國勢不可支持以至於亡焉斯乃有天下國家
者之通患也夫如是則立法善而繼之以不善況於
始之立法有未善者乎中國尚然況於小邦乎三韓
之地非四方舟車之會無物產之饒貨殖之利國用
民產專仰地力而鴨綠以南大抵皆山野無百里之
廣陵崖洲岸崎嶇犖确零瑣瘠脆中歲所墾不出六
十萬結二結當一頃則僅比中國大州三十萬頃而

已故經界不正則其利害較之中國相萬也可不慎
哉高麗略倣唐制文武百官府衛軍吏胥徒凡執國
役者皆授以田然唐授民口分而取之以租庸調之
法非代祿之意也高麗受田者皆無稅至於百官俸
祿之外別有授田皆非唐制也夫爵不可世襲執役
者或有連立丁或無丁繼而爵執役者無窮而土田
有限曾授者身故不得不納官而又以其妻女子嫁
從仕而爲之法分割又近委曲繁密不可勝稽要之
未可以行於久遠此其立法有未盡善者也當其初
國之初人心質朴賢主節儉於上資財充溢於下邊

境晏然政簡而事省則法雖未善而疵弊不作中世
以來國家多事權姦斲喪於內強國誅求於外家抽
戶斂徵科百端戶口日耗國勢遂弱方是時也田制
大壞田柴之科廢而為私田惟西北面無私田權有力者
田連阡陌不供王稅而良民之供賦役者偏被其害
則幾何不潰敗壞亂不可收拾以至於此乎故田法
之弊未有若麗時之甚者也至於版籍貨幣鹽法常
平之屬皆無畫一之法廢復無常卒莫能行而食貨
出入之制屢經兵燹不可備攷今略採其見於史牒
者作食貨志

田制

經理

禋料田

田柴科

公蔭

田柴

踏驗損實

租稅

公解

田柴

經理太祖二十三年初定役分田以統合時朝臣軍
士勿論官階視人性行善惡功勞大小而給田有差
景宗元年始定職散官各品田柴科亦以人品為定
紫衫以上作十八品文班丹衫以上作十品緋衫作
八品綠衫以上作十品雜業武班或作十品作五品
以下雜吏各以人品支給不同紫衫一品田柴各一
百一十結丹衫一品田柴並百二十結降殺皆自五
結以下穆宗時始以班位改定作十八科文宗三十
年更定兩班田柴科第一科田百結柴五十結以至

第十八科田十七結名曰科田開國功臣及文武兩班五品以上各以其品給田世傳曰功蔭田成宗二年定州府郡縣館驛田大州公須田三百結紙田十五結長田五結其次公須田一百五十結又其次七十結鄉部曲大路驛中路驛各以次受田曰公解田元宗十二年以百官俸祿不給於京畿八縣隨品給田曰祿科田料物庫所屬供上之田三百六十處曰庄田百官軍士納田後給守信妻未嫁子女田曰口分田試其才藝二十而受田十結六十而還官曰軍田外國人來者給田以遂其生日投化田畱守州府

郡縣吏院館直皆給口分曰外役田城隍鄉校紙匠墨尺水汲刀尺折給曰位田百姓付籍差役者給一結曰代田馬位曰驛田畱守牧都護知官監務隨品定從人口數給田曰外祿田蓋自太祖分田以來屢更田制中世以後名號繁多不可勝記此其田法名色之大槩也凡受田者身歿納官而其子未仕則割給父田既仕各以科受妻女嫁收口分田受蔭田者子雖有罪給其孫府兵及執役者傳其子無子者有親戚女婿則遞田丁凡溢受田者納田不以實者皆有罪凡不作公文者服役不勤者同姓為婚者皆奪

其田而公私賤口工商倡妓身及子孫不許受田凡受田者無稅餘皆公田文宗八年判凡田品不易之地爲上一易爲中再易爲下其不易山田一結一易田二結再易田三結準平田一結二十三年定量田步數田一結方三十三步二結方四十七步三結方五十七步三分以至十結方一百四步三分步尺六寸爲一分十分爲一尺六尺爲一步其時結數史不錄恭讓時打量得京畿實田十三萬一千七百五十五結荒遠田八千三百八十七結六道實田四十九萬一千三百四十二結荒遠田十六萬六千六百四

十三結總七十八萬八千一百二十七結而實田六十一萬三千九十七結蓋高麗分田諸色要不下百萬結而一國之田未滿八十萬結則授田之外貢賦租稅何從而出乎此其記籍散佚無可考證然國初八十萬結之地皆爲實田故分授有餘地而多事以來百姓流散田荒者殆三之一國遂貧弱以至於此太祖元年詔境內放三年租謂有司曰秦封之時一頃之田租稅六碩遂使百姓輟耕流亡相繼自今征賦宜遵羅制令田一負納租三升成宗十一年判公田租水田上等一結租二碩十一斗中等二碩下等

一碩十斗旱田上等一結租一碩十二斗中等一碩
十斗下等缺靖宗酌定貢物黃金白銀白赤銅鐵鹽
布絲絲油蜜各以州郡大小爲差納稅時令輸人自
量凡水旱蟲霜未穀不實村典告守令守令親驗申
戶部近道限八月中道限九月十日遠道限九月十
五日以爲恆式戶部送三司三司移牒檢覈虛實後
令其界按察使差別員審檢田一結率十分爲定損
至四分除租六分除租布七分租布役俱免蓋自太
祖卽位以來勸課農桑與民休息成宗詔十二牧自
春至秋一切停斲雜務以專農業靖宗令諸道官皆

帶勸農使或賜農器或給牛糧耕種其薄於征斂而
勤於農政如此故百姓安業樂生興事田野盡闢地
無遺利至于文宗躬行節儉倉廩紅腐家給人足富
庶之治於斯爲盛矣方是時也風俗淳厚禮義維持
法之便否非所論也毅明以來權姦擅弄主威下奪
紀綱未振田柴之科變而爲賜牌又變而爲私田別
賜名色代有增益授收之際欺誣並作掌田之官不
堪煩瑣漸致隳弛而田制紊矣及崔氏四世柄國僭
侈無度於是以江華田二千結屬王府而三千結屬
之崔氏權臣旣除而田法大壞有田之家皆倚附幽

八景卷之十一
陰潛通宮掖腹心親黨蟠根竊據於朝廷雖散職廢居各持高曾文券坐享千百結之俸或託稱遠陳標以山川冒受賜牌不納公租御庄之田多被奪占而新進之士力勢難與舊家抗官雖高不得受卓錫之田初麗朝優禮羣臣俸祿甚厚一二品祿三百六十石而別賜田柴各百結至是宰臣之祿不滿三十斛元宗十二年都兵馬使請於京畿八縣隨品給祿科田諸王及嬖寵百方沮撓王惑焉右承宣許珙等屢言之王勉從然八縣科田竟爲勢家所奪是時諸勢家競占名田一田而有二三主者或有五六主者各

遣從者多率僦奴成羣橫行催辱守令破費尉傳縱暴侵掠甚於盜賊佃戶之家例納租外絲麻脚錢抑賣之供甚多破產以充之既去而他家收者繼至矣由是私租之入十倍公租民益困而事元以來誅求無厭軍旅數興饑饉荐仍內外之費不可勝言每遇國贖饋遺朝覲等事令百官品斂白紵錦綺銀米有差上下爲之騷然忠烈王朝置盤纏色主責取十五年遼東饑令本國措十萬石輸于遼王令羣臣出米忠惠王又徵職稅於前銜之間居者督責甚峻一官人有父子自刎者時公田少征斂日急故徵科之擾

及於搢紳而百官俸祿薄不能堪恭愍命增斂於民
結上戶二石中戶一石名之曰無端米民甚苦之方
是時也國勢削弱戶口日耗倉廩空虛上供往往不
給而國中名田膏壤盡屬勢家不供王稅賦入歲減
於是乞收賜牌田屢教都評議平均申畫而終不可
禁爭占覆奪強弱相吞獄訟繁興屢歲不決綱常數
敗風俗大壞田法之弊求諸今古未有若高麗之甚
者也辛禡十四年大司憲趙浚等上疏曰祖宗授田
之法既壞而兼并之門一開爲宰相而當受田三百
結者曾無寸土之可資都府之兵衣糧器械皆從田

出故國無養兵之費卽藏兵於農之意也今也兵與
田俱亡驅農夫而補兵故兵弱而餌敵矣以祖宗之
公田爲一家之私俸不一仕朝行不一蹈軍門者錦
衣玉食坐享其利雖以夙夜侍衛之臣百戰勤勞之
士反不得一畝之食以養其父母其何以勸忠義而
禦外侮乎內而版圖典法外而守令廉使廢其本職
日聽田訟不避寒暑揮汗呵筆勾稽文券檢覆證佐
凡其辭連盈獄滿庭數月之案積如丘山忘寢廢食
剖決不給者以私田爲爭端而訟煩也父子兄弟一
畝之求或不如意則反生怨恨如視路人是以私田

而陷人倫於禽獸也朝廷士大夫貌相好而心相猜
至於陰中傷之此以私田而為陷穽也祖宗之取民
止於什一而私家之取民至於十千哀我無辜流離
四散賣妻鬻子冤忿徹天感傷和氣召致水旱戶口
由是而一空倭奴以之而深入千里暴屍莫有禦者
社稷宗廟危於累卵臣等願遵聖祖至公之法革後
人私授之弊非士非軍非執國役者毋得授田嚴立
禁限與民更始今當量田之時給田之前限三年權
行公收田制既定然後分受之以法公私收租每一
結米二十斗以厚民生以足國用以優朝臣以贍軍

士則國富而兵強禮義興而廉恥行人倫明而詞訟
息社稷之基安於磐石矣諫官李行等又上疏曰豪
強兼并國用乏竭租稅苛倍生民凋瘵弱肉強食爭
效不息骨肉相猜風俗壞敗此私田之弊也富強失
利怨誦難弭士族失業生理難繼田地廣多審覆難
悉簿書煩多考核難精奸吏隱匿覺察難及風雨盜
鼠藏積難密道路遠近轉漕難均出入斂散耗損難
理此革弊之難也雖然事出於公正合於人心悅之
者眾怨誦可弭矣士之無職者授田使得農耕有職
者給俸而代耕生理可繼矣擇公廉者為按廉精幹

者爲守令守令各考一邑以核其事實按廉統察一道爲殿最則田地審覆可悉簿書核察可精奸吏隱匿可察矣置倉垣固局鑄藏積可密計輕重度遠近漕轉可均平量槩明契券耗損可理以至於倉廩實而儲胥有餘祿俸厚而廉恥可興橫斂息而民生可紓爭訟絕而風俗可厚田野闢而賦斂薄戶口繁而徭役均其革之之利爲如何哉嗚呼三韓尺寸之地皆我太祖櫛風沐雨險夷艱難所啓也今海寇縱暴封疆日蹙國田之租半入於無用之人軍士飢色轉輸告匱雖伊周之相方召之將不革私田而歸之國

將何以爲社稷中興之計乎臣等其痛之於是版圖判書黃順常等上疏論之典法判書趙仁沃等亦上疏曰伏覩殿下深致意於田法之毀臣等亦以爲此正今日之急務社稷之安危生民之休戚係焉不可不重田法正則社稷安矣否則社稷安危未可知也竊惟祖宗分田之制躬耕籍田所以奉天地宗廟之祀也三百六十庄處之田所以奉供上也田柴口分之田所以優士大夫礪廉恥也州府郡縣鄉所部曲津驛之吏以至凡供國役者莫不受田所以厚民生而殖邦本也四十二都府四萬二千之兵皆授以田

言身居夏者之十六
所以重武備也世守成憲社稷盤安垂五百年近來
貪墨擅權庄處田柴外役軍田皆入其門塗炭供上
或時而不繼士大夫之當職勞於王事者無以資其
生養其廉州縣津驛供國役者喪其田宅困於一田
之五六主一年之五六收父母凍餒而不能養妻子
離散而不能保無告流亡戶口一空是以國用軍須
祿俸之出蕩然埽地國無旬月之儲軍無數月之食
冢宰之俸徒存舊額今所受者纔十數石耳況其下
官乎府田亡而府兵亦亡無賴之徒安坐其家不知
征役之苦以其先世私授之田謂之祖業食至千百

結不以爲國家之田而以爲父母之德百無報國之
心而從軍之士忘軀命冒矢石得生百戰之餘者反
不得一畝之田軍士之赴敵者其父母妻子飢寒流
移國無斗粟尺帛之賜而彼無賴坐食之徒馬厭粟
而妾曳穀此非細故也柰何以太祖艱難所拓之地
不以養軍士反以資無賴之徒乎是故寇盜熾而莫
之禦士馬困而無以養如有緩急將何以待之宗廟
社稷危如累卵誠可痛惜又有甚於此者兄弟爭田
而或至於相殘將相爭田而或至於相殺骨肉反爲
路人同列變爲仇敵獄訟煩而風俗敗陷人道於禽

獸醜聲上聞雖歲勤貢獻不獲於天子者皆由田弊
之所致也不正田弊不復祖宗之制而欲社稷之安
臣等所未敢知也傳曰國無三年之蓄國非其國方
今之積猶可哀痛國非其國則雖欲安富尊榮其可
得乎全羅慶尚楊廣三道國家之腹心倭奴深入虜
掠我人民焚蕩我府庫千里蕭然而又西北之虞在
於不測兵食匱竭人民困瘁此誠危急存亡之時也
願殿下毋失事機自今年權收公私田租以備軍食
然後復祖宗分田之法以待士民則軍國之務備而
士民之望安矣昌許之既而下教曰私田之租姑令

半收右常侍許應等上疏曰臣等近與憲府版圖典
法文章申聞請復先王之制而殿下依允四方聞者
莫不欣悅不日而有半收之命夫立法所以革弊也
法立而弊未生遽自中止無乃不可乎昌遂寢其令
恭讓王卽位趙浚等又上疏論田制曰上天悔禍羣
兇已滅當一革私田以開斯民富壽之域此其機也
而殿下以爲受田於京畿而數未滿者欲於外方給
之是殿下復開兼并之門置三韓億兆之民於湯火
之中也可不惜哉今六道所報墾田不滿五十萬結
而供上不可不豐也故以十萬而屬右倉以三萬而

屬四庫程俸不可不厚也故以十萬而屬左倉朝士不可不優也故以畿田十萬而折給之其餘止十七萬而已凡六道之軍士院驛鄉吏使客廩給衙祿之用尚且不足而軍須之出則無地矣而今又欲給私田於外方未審供上祿俸之費何從而出方鎮之兵海道之軍何以供給乎凡居京者請給畿內田不許於外方給之定為成憲王可之二年九月焚公私田籍于市火三日不滅王流涕曰祖宗田法至于寡人而遽革惜哉三年五月都評議使司上書請定給科田法從之依文宗所定分十八科將庚午年已前公

私田籍盡行燒毀敢有私藏者以毀國法論籍沒財產凡公私田租每水田一結糙米三十斗旱田一結雜穀三十斗此外有橫斂者以贓論凡受田者皆納稅水田一結白米二斗旱田一結黃豆二斗如有調發大軍糧餉不足不問公私田臨時定數公收支用無事則止

田柴科文宗三十年更定兩班田柴科第一科田一百結柴五十結中書令尚書第二科田九十結柴四十五結門下侍中第三科田八十五結柴四十結中書侍郎第四科田八十結柴三十五結門下侍中第五科田七十五結柴三十結中書侍郎第六科田七十結柴二十五結門下侍中第七科田六十五結柴二十結中書侍郎第八科田六十結柴十五結門下侍中第九科田五十五結柴十結中書侍郎第十科田五十結柴十結門下侍中第十一科田四十五結柴十結中書侍郎第十二科田四十結柴十結門下侍中第十三科田三十五結柴十結中書侍郎第十四科田三十結柴十結門下侍中第十五科田二十五結柴十結中書侍郎第十六科田二十結柴十結門下侍中第十七科田十五結柴十結中書侍郎第十八科田十結柴十結門下侍中第十九科田五結柴十結中書侍郎第二十科田五結柴十結門下侍中

射事左右僕第四科田八十結柴三十五結六尚書御史大

夫左右常侍太子詹事太子賓客大將軍第五科田七十五結柴三十結
 七寺卿祕書殿中監國子祭酒尚書左右丞第六科
 司天監太子少詹事諸衛將軍右少詹事第六科
 田七十結柴二十七結器吏部諸曹侍郎將作少府軍
 德諸中第七科田六十五結柴二十四結祕書少卿
 郎將
 將作少府司業太子僕太子率吏令太子家令第八
 丞國子司業太子僕太子率吏令太子家令第八
 科田六十結柴二十一結常侍閣門引進使太子左
 右贊善大夫太子中允太子中將第九科田五十五結
 舍人閣門使國子博士諸郎將第九科田五十五結
 柴十八結閣祕書殿中丞第十科田五十結柴十五結
 諸員外郎起居郎起居舍人侍御史六局奉御殿中
 內給事太史令諸陵大廟令內謁者監大學博士中
 尚書四官正太子洗馬第十一科田四十五結柴十
 郎典膳郎太子洗馬第十一科田四十五結柴十

二結通事舍人左右補闕殿中侍御史七寺三監丞
 直典設郎宮門監第十二科田四十結柴十結御史
 侍御醫諸別將
 局直長四門博士詹事府司直內侍伯內殿崇班諸
 散員大第十三科田三十五結柴八結尚書都事七
 相左丞
 大學助教太官太樂大盈典廐令內園供驛掌台
 太史丞諸陵大廟丞司天主簿東西頭供奉官諸校
 尉元甫第十四科田三十結柴五結六衛錄事軍器
 正朝
 京市中尚武庫太樂大盈大倉太官典廐丞內園供
 驛掌治丞祕書校書郎良醞令司儀守宮典獄都染
 雜織都校掌牲令太醫博士大醫丞挈壺保章正第
 律學博士左右侍禁左右班殿直諸隊正元尹
 十五科田二十五結都染雜織都校掌牲守宮司儀
 辰司曆監候尚食醫律學助教書學算學司天博士
 士大醫醫正司天卜正祕書正字諸主事御史臺錄

事 中樞院別駕門下待詔文林郎將仕郎 第十六科
 殿前承旨都知船頭典丘官司引馬軍 第十七科
 田 二十二結 諸令史書史主事 中書祕書史館太史
 承旨禮賓閣門承旨獸醫博士 當 第十七科
 印堂直監膳典食典設役步軍 當 第十七科
 結 諸書令史諸史尚乘內承旨副內承旨太史典史
 掌設堂從追仗引直省知班呪禁師供膳酒食供設
 試討史試書藝監門軍 第十八科 田十七結 雜類
 武散階田三十五結柴八結 冠軍大將軍 田三十結
 掌武將軍宣威 田二十五結 寧遠將軍定遠將軍
 將軍明威將軍 田二十五結 遊騎將軍擊將軍 田
 二十二結 耀武校尉同副尉 振威校尉同副尉 田二
 十結 宣折校尉同副尉 禦侮校尉同副尉 田十七結
 大匠副匠雜匠人御前部 別賜田四十結柴十結 德
 樂件樂人地理業僧人

田三十五結柴八結 大通田三十結 副田二十五結 地理
 師 田二十結 博地理 田十七結 地理正柴地 日程開
 城貞州白州鹽州幸州江陰鬼山臨江新恩麻田積
 城坡平昌化見州沙川峯城臨津長端交河童城高
 峯松林通津德水二日程安州洞州鳳州樹州抱州
 楊州東州遂安土山唐城仁州金浦梁骨洞陰荒坪
 僧旨黃先道尺阿等坤安俠守安孔巖
 功蔭田柴景宗二年三月賜開國功臣及向義歸順
 城主等勳田自五十結至二十結有差 顯宗十二年
 十月判功蔭田直子犯罪移給其孫 文宗三年五月

定兩班功蔭田柴法一品門下侍郎平章事以上田二十五結柴十五結二品參政以上田二十二結柴十二結三品田二十結柴十結四品田十七結柴八結五品田十五結柴五結傳之子孫散官減五結樂工賤口放良員吏皆不得與受功蔭田者之子孫謀危社稷謀叛大逆延坐及雜犯公私罪除名外雖其子有罪其孫無罪則給功蔭田柴三分之一辛禡六年六月諫官李崇仁等上疏曰有功而賞人必相勸無功而賞人必相沮故傳曰賞一人而千萬人勸然則賞典不可輕以與人也國家土田賜牌本以待有

功近來冒受賜牌占田太多者有之乞令有司根究推刷功不在累次稱下南幸興王癸卯三等者收其田雖在三等之例其所占過元數者收其贏數以充軍需仍乞功臣之號除有功外宜重惜之

公解田柴成宗二年六月定州府郡縣館驛田千丁以上州縣公須田三百結五百丁以上公須田一百五十結紙田十五結長田五結二百丁以上缺一百丁以上公須田七十結紙田十結一百丁以下公須田六十結長田四結六十丁以上公須田四十結三十丁以上公須田二十結二十丁以下公須田十結

紙田七結長田三結鄉部曲千丁以上公須田二十
結一百丁以上公須田十五結五十丁以下公須田
十結紙田三結長田二結大路驛公須田六十結紙
田五結長田二結中路驛公須田四十結紙田長田
各二結小路驛公須田二十結紙田二結大路館田
五結中路四結小路三結十二年八月判給諸州府
郡縣驛路公須柴地千丁以上八十結五百丁以上
六十結五百丁以下四十結一百丁以下二十結十
二牧勿論丁多少一百結知州事雖百丁以下六十
結東西道大路驛五十結中路驛三十結兩界大路

驛四十結中路驛二十結東西南北小路驛十五結
祿科田高宗四十四年六月宰樞會議分田代祿遂
置給田都監元宗十二年二月都兵馬使言近因兵
興倉庫虛竭百官祿俸不給無以勸士請於京畿八
縣隨品給祿科田時諸王及左右嬖寵廣占腴田多
方沮毀王頗惑之右承宣許珙等屢言之王勉從之
十三年正月議以品祿減少分給文武官京畿田有
差以近地給校尉隊正蓋爲苦役也忠烈王四年十
二月改折給祿科田忠穆王元年八月都評議使司
言先王設官制祿一二品三百六十餘石隨品差等

八景卷之六
以至伍尉隊正莫不準科數以給故衣食足給一切
奉公其後再因兵亂田野荒廢貢賦欠乏之倉庫虛竭
宰相之祿不過三十石於是罷畿縣兩班租業田外
半丁置祿科田隨科折給近來諸功臣權勢之家冒
受賜牌自稱本田山川爲標爭先據執有違古制乞
依先王制定京畿八縣土田更行經理御分官司田
鄉吏津尺驛子雜口分位田考覈元籍量給兩班軍
閒人口分田元宗十二年以上公文考覈折給其餘
諸賜給田並皆收奪均給職田餘田公收租稅以充
國用制可

踏驗損實成宗七年二月判禾穀不實州縣近道限
八月中道限九月十日遠道限九月十五日申報戶
部以爲恒式文宗四年十一月判田一結率十分爲
定損至四分除租六分除租布七分租布役俱免恭
讓王三年五月都評議使司請定損實十分爲率損
一分減一分租損二分減二分租以次准減損至八
分全除其租踏驗則其官守令審檢辨報監司監司
委差官更審監司首領官又審之如有踏驗不實者
罪七各品科田損實則令其田主自審收租
租稅太祖元年七月謂有司曰泰封主以民從欲惟

事聚斂不遵舊制一頃之田租稅六碩管驛之戶賦
絲三束遂使百姓輟耕廢織流亡相繼自今租稅征
賦宜用舊法光宗二十四年十二月判陳田墾耕人
私田則初年所收全給二年始與田主分半公田限
三年全給四年始依法收租成宗十一年判公田租
四分取一水田上等一結租二石十一斗二升五合
五勺中等一結租二石十一斗二升五合下等一結
租一石十一斗二升五合旱田上等一結租一石十
二斗一升二合五勺中等一結租一石十斗六升二
合五勺下等一結缺又水田上等一結租四石七斗
五升中等一結三石七斗五升

下等一結二石七斗五升旱田上等一結租二石三
斗七升五合中等一結一石十一斗二升五合下等
一結一石五合顯宗四年十一月判文武兩班諸宮院
田受三十結以上一結例收稅五升靖宗七年正月
三司奏諸道外官員僚所管州府稅貢一歲米三百
石租四百斛黃金一十兩白銀二斤布五十疋白赤
銅五十斤鐵二百斤鹽三百石絲絲四十斤油蜜一
石未納者請罷見任從之四月門下省奏北路寧州
等三十三州東路高和等州鄰於敵境防禦事殷未
嘗徵稅已卯年間有司奏定稅額前項兩路州鎮一
年貢布五萬二百九疋折納餼糧一萬四千四十九

斛由此邊民不樂請除放稅籍從之忠宣王二年十一月宰樞議遣採訪使于諸道更定稅法或曰今郡縣田野盡闢宜量田增賦以贍國用宰樞恐其所占田園入官事遂寢忠肅王五年五月下教曰太尉王軫念州縣稅額日減民生日殘遣使巡訪均定貢賦今於荒田徵銀及布以充貢額不惟貢賦無實士民怨咨自今勿收荒田租巡訪使所定田稅每歲州郡據額收租權勢之家拒而不納鄉吏百姓稱貸充數無有紀極失業流亡其不納稅者勿避權貴糾察以聞恭愍王五年六月下旨曰西北面土田未嘗收租

委之防戍其來尚矣近來權勢多所兼并自今可官為檢括每一結賦一石以支軍須古者租稅之納許民自量自槩今之官吏大斗剗量民甚苦之其令州郡官躬親監視中外公私同其斗斛十一年密直提學白文寶上劄子國田之制取法於漢之限田十分稅一耳慶尚之田則稅與他道雖一而漕輓之費亦倍其稅故田夫之所食十八其一元定足丁則七結半丁則三結加給以充稅價辛禡九年二月左司議權近等上書曰傳曰民者邦之本也財者民之心也故失其心則民散失其本則邦危比年以來征戰不

息水旱相仍民有飢色野有餓莩加之一田三兩其
主各徵其租以割民心所在官司按廉察訪不能呵
禁哀此筑獨誰因誰極邦本之危莫此爲甚臣等每
念至此深爲痛心願自今一依本國田法京中版圖
司外方按廉使斷決所爭勝者收租一田一主使民
蘇息如有違者痛行禁理八月我

太祖獻安邊之策曰東北一道州郡介於山海地狹
且堵今其收稅不問耕田多寡唯視戶之大小和寧
於道內地廣以饒皆爲吏民地祿而其地稅官不得
收取民不均餉軍不定今後道內諸州及和寧一以

耕田多寡科稅以便公私

貢賦定宗四年光宗卽位命元甫式會元尹信康等
定州縣歲貢之額文宗二十年六月判諸州縣每年
常貢牛皮筋角以平布折價代納睿宗三年二月判
京畿州縣常貢外徭役煩重百姓苦之日漸逃流主
管所司下問界首官其貢役多少酌定施行銅鐵瓮
器紙墨雜所別貢物色徵求過極匠人艱苦而逃避
仰所司以其各所別常貢物多少酌定奏裁九年十
月判貢中布一疋折貢平布一疋十五尺貢紵布一
疋折貢平布二疋貢絲紬一疋折貢平布二疋明宗

十八年三月下制諸州府郡縣百姓各有貢役邇來
守土員僚斜屬使令徵取役價其貢賦經年除免掾
吏之徒並遵此式役之不均貢戶之民因此逃流各
道使者巡行按問如此官以罪奏聞其餘掾吏依刑
黜職令均貢役忠烈王十四年九月遣使于忠清全
羅慶尚西海道酌定貢賦二十二年六月中贊洪子
藩上書一曰今諸道收斂細紵布民實不堪宜令官
婢免役者紡績以紓民力二曰貢賦已有定額又於
諸道家抽細麻布實係橫斂宜禁絕之三曰田無役
主丁多矣民無恒心逃戶衆矣凡有貢賦仍令遺

民當之此所以日益凋弊也宜令賜給田隨其多少
納其貢賦四曰諸道貢賦已有定數今又以虎豹熊
皮爲貢不唯科斂煩重恐致猛獸害人誠宜禁之忠
肅王元年正月忠宣王諭田民計定使曰先王置州
縣定貢賦斂民以時以充國用兵興以來戶寡田荒
貢賦之入不古若自己已量宜定額之後提察守令
固執其額徵斂不止病民實多宜以見在田口更定
貢賦民流野荒者限年蠲免其餘雜貢亦宜詳定有
減無加凡諸民弊隨宜革正二月以知密直事蔡洪
哲爲五道巡訪計定使內府令韓仲熙爲副使民部

議郎崔得枰為判官量田制賦凡便民事宜將式目
都監所啓條畫酌定損益其諸道提察使及守令有
罪者無論輕重直行科斷閏三月忠宣王傳旨曰巡
訪計定使蔡洪哲等所定貢賦視州郡殘盛均定其
額以贍國用要令百姓安業後八年五月監察司榜
示禁令兩倉祿轉各司貢物近因輸納失期用度不
足致使貨殖之徒乘時射利先納其本卽往其鄉倍
收利息民何以堪其各道存撫按廉守令等官輸納
後期者嚴加糾劾忠惠王後四年七月追徵各道往
年貢賦餘羨縣吏不堪其苦遂自刎恭愍王元年二

月下省旨諸官司外郡貢賦未輸者先徵郡人住京
者住京者稱貸而倍收於民又先二三年或四五年
徵其貢賦弊莫甚焉今後凡貢賦守令按廉及期送
納監察嚴加體察以除民害宣宗五年七月定雜稅
栗柏大木三升中木二升小木一升漆木一升麻田
一結生麻十一兩八刀白麻五兩二目四刀忠惠王
後四年十一月江陵道獻山稅松子三千石恭愍王
五年六月下旨賊臣之黨擅占山澤重收其稅國用
日乏民生益凋自今山林屬繕工澤梁屬司宰弛禁
輕稅

戶口

國制民年十六爲丁始服國役六十爲老而免役州郡每歲計口籍民貢于戶部凡徵兵調役以戶籍抄定仁宗十三年二月判居京大小人員子弟謀避徭役各於本貫親戚戶籍類付以致名實混淆自今京人付外籍者痛禁忠烈王五年九月分遣計點使於諸道初都評議使司言太祖眞五道州郡經野賦民皆有恒制近來兵饑相仍倉儲懸罄橫斂重於常貢逋戶累其遺黎是宜計戶口更賦稅以革姑息之弊由是累發計點使而未見成效及東征之役發民爲

兵故復有是命忠肅王十二年十月下教曰開城府五部及外方州縣以百姓爲兩班以賤人爲良人僞造戶口者據法斷罪權勢之家廣置田庄招匿人民不供賦役者所在官司推刷其民以充貢戶恭愍王二十年十二月下教曰本國戶口之法近因播遷皆失其舊自壬子年爲始并依舊制良賤生口分揀成籍隨其式年解納民部以備參攷單丁從役自丙申年已在禁限官吏不體予意役使如初尤可憐憫須給助役毋令失業年滿六十免役東西兩界新附人戶理立安集其令都巡問使給糧與田無令失業辛

禍四年十二月計點戶口十四年八月大司憲趙浚
上疏曰近來戶籍法壞守令不知其州之戶口按廉
不知一道之戶口當徵發之際鄉吏欺蔽招納賄賂
富壯免而貧弱行貧弱之戶不堪其苦而逃則富壯
之戶代受其苦亦貧弱而逃矣其任徵發者憤鄉吏
之欺蔽痛加酷刑割耳削鼻無所不至鄉吏亦不堪
其苦而逃矣鄉吏百姓流亡四散州郡空虛者戶口
不籍之流禍也願今當量田審其耕作之田以所耕
多寡定其戶上中下三等良賤生口分揀成籍守令
貢于按廉按廉貢于版圖朝廷凡徵兵調役有所憑

依及時發遣而守令按廉如有違法者輒繩以理恭
讓王二年七月都堂廢舊制兩班戶口必於三年一
成籍一件納於官一件藏於家各於戶籍內戶主世
系及同居子息兄弟姪婿之族派至於奴婢所傳宗
派所生名歲奴妻婢夫之良賤一皆備錄易以考閱
近年以來戶籍法廢不惟兩班世系之難尋或壓良
爲賤或以賤從良遂致訟獄盈庭業續紛紜願自今
倣舊制施行其無戶籍者不許出告身立朝且戶籍
不付奴婢一皆屬公王納之然竟未能行

農桑

農桑衣食之本王政所先太祖卽位之初首詔境內
放三年田租勸課農桑與民休息成宗五年五月教
曰國以民爲本民以食爲天若欲懷萬姓之心惟不
奪三農之務咨爾十二牧諸州鎮使自今至秋並宜
停罷雜務專事勸農予將遣使撿驗以田野之荒闢
牧守之勤怠爲之褒貶焉六年六月收州郡兵鑄農
器顯宗三年二月教曰西北州鎮自經兵亂民之資
糧今當農作之時無以艱植其令本道官吏給糧與
種毋使失業三月教曰洪範八政以食爲先此誠富
國強兵之道也此者人習浮靡棄本逐末不知稼穡

其諸道錦綺雜織甲坊匠手並令抽減以就農業七
年正月教曰江南郡縣以去歲不登民多饑饉所在
官給糧種以勸農耕九年二月都兵馬使奏興化鎮
自經寇亂民戶並無牛畜乞借官牛以助農耕從之
十一月以于山國被東北女真所寇廢農業遣李元
龜賜農器十六年三月判外人來京訴訟者自三月
初一日並令歸農十九年正月判令諸道州縣每年
桑苗丁戶二十根白丁十五根田頭種植以供蠶事
德宗三年三月教曰農桑衣食之本諸道州縣官勉
遵朝旨無奪三時以寧百姓靖宗二年正月御史臺

言諸道外官使民不時有妨農事請遣使審察黜陟
從之七年二月門下省論奏郡縣比年不登民常艱
食實由方岳官吏政不合民心刑不順天意致傷和
氣以至於此請下令恤刑勸農以救民瘼制可文宗
元年二月西北路兵馬使楊帶春奏轄下連州防禦
長吏軍民等八百餘人告云防禦副使蘇顯自下車
以來勸課農桑存恤民庶政績茂著理合升聞制令
吏部准制量用三年三月東北路監倉使奏交州防
禦判官李惟伯所部連城長楊吏民等言惟伯上任
以來勸農恤民雖秩滿當代願得見借十二月東北

路兵馬使奏永興鎮軍成厚等三百二十餘人狀告
鎮將尚舍直長丁作鹽勸農桑均賦役修城郭備戰
具又於沙石不耕之地勸種雜穀歲收二百餘斛功
課爲最雖已考滿願借畱任王嘉歎並許之二十年
四月制曰書曰食哉惟時一夫不耕必有受其飢者
郡牧之職農桑爲急諸道外官之長皆令帶勸農使
睿宗三年二月制近來州縣官祇以宮院朝家田令
人耕種其軍人田雖膏腴之壤不用心勸稼亦不令
養戶輸糧因此軍人飢寒逃散自今先以軍人田各
定佃戶勸稼輸糧之事所司委曲奏裁仁宗五年三

月詔勸農力田以給民食六年三月詔曰勸農桑足
衣食聖王之所急務也今守令多以聚斂為利鮮有
勤儉撫民倉庾空虛黎庶窮匱加之以力役民無所
措手足起而相聚為盜甚非富國安民之意其令州
郡停無用之事罷不急之務躋民安富副朕憂勤二
十三年五月輸糧都監奏令諸道州縣地品不成田
畝桑粟漆楮隨地之性勸課栽植從之高宗三十年
二月遣諸道巡問使閔曦于慶尚州道孫襲卿于全
羅州道宋國瞻于忠清州道又遣各道山城兼勸農
別監凡三十七人名為勸農實乃備禦也巡問使尋

以煩冗請罷勸農別監從之四十二年五月分遣諸
道勸農使四十六年二月發新興倉白銀十斤易穀
種給貧民元宗十五年五月元遣使詔勸課農桑儲
峙軍糧仍命洪茶丘提點農事忠烈王三年二月置
農務都監忠烈王三十四年八月忠宣王復位十一
月下教農桑衣食之本宜有司勸課不至曠損無賴
之徒不得縱牛馬食踐禾稼其遭水旱去處各道提
察檢聞可蠲免一年租賦恭愍王十一年密直提學
白文寶上劄子江淮之民為農而不憂水旱者水車
之力也吾東方人治水田者必引溝澮不解水車之

易注故田下有渠曾不足尋丈之深下瞰而不敢激
是以汙萊之田什常八九宜命界首官造水車使效
工取樣可傳於民間此備旱禦荒第一策也又民得
兼務於下種插秧則亦可以備旱不失穀種

貨幣市估

貨幣之制為國所先蓋以贍國用而裕民力也成宗
十五年四月始用鐵錢穆宗五年七月教曰自古有
國家者率先養民之政務崇富庶之方或開三市以
利民或用二銖而濟世遂使生靈滋潤風俗淳厯惟
我先朝式遵前典爰頒丹詔俾鑄青蚨數年貫索盈

倉方圓適用仍命重臣而開宴既諏吉日以使錢自
此以來行之不絕寡人叨承丕緒祇奉貽謀特興貨
買之資嚴立遵行之制近覽侍中韓彥恭上疏言欲
安人而利物須仍舊以有恒今繼先朝而使錢禁用
麤布以駭俗未遂邦家之利益徒興民庶之怨嗟朕
方知啓沃之精詞詎可棄遺而不納便存務本之心
用斷使錢之路其茶酒食味等諸店交易依前使錢
外百姓等私相交易任用土宜肅宗二年十二月教
曰自昔我邦風俗朴略迄于文宗文物禮樂於斯為
盛朕承先王之業將欲興民間大利其立鑄錢官使

百姓通用六年四月鑄錢都監奏國人始知用錢之利以爲便乞告于宗廟是年亦用銀瓶爲貨其制以銀一斤爲之像本國地形俗名闊口六月詔曰金銀天地之精國家之寶也近來姦民和銅盜鑄自今用銀瓶皆標印以爲求式違者重論七年十二月制富民利國莫重錢貨西北兩朝行之已久吾東方獨未之行今始制鼓鑄之法其以所鑄錢一萬五千貫分賜宰樞文武兩班軍人以為權輿錢文曰海東通寶且以始用錢告于太廟仍置京城左右酒務又於街衢兩旁勿論尊卑各置店鋪以興使錢之利九年七

月命州縣出米穀開酒店許民貿易使知錢利時泉貨之行已三歲矣民貧不能興用故有是命睿宗元年中外臣僚多言先朝用錢不便七月詔曰錢法古昔帝王所以富國便民非我先考殖貨而爲之也况聞大遼近年亦始用錢乎凡立一法衆謫從起故曰民不可慮始不意羣臣託太祖遺訓禁用唐丹狄風之說以排使錢然其所禁蓋謂風俗華靡耳若文物法度則捨中國何以哉忠烈王十三年四月禁市中合鑄銀銅時用碎銀爲貨以銀銅合鑄故禁之是月元遣使詔頒至元寶鈔與中統寶鈔通行以至元

鈔一貫當中統鈔五貫使爲子母用二十二年五月
中贊洪子藩上書國用金銀爲重而無出處宜令東
西各房行役各官新除行役所斂物件內三分取二
以補國用忠惠王元年四月始用新小銀瓶一當五
綜布十五疋禁用舊瓶恭愍王五年九月都堂令百
司議幣諫官獻議曰本國近古以碎銀權銀瓶之重
爲幣而以五升布翼而行之及其久也不能無弊銀
瓶日變而至于銅麻縷日麤而不成布議者欲復用
銀瓶愚等以爲一銀瓶其重一斤其直布百餘疋今
民家蓄一疋布者尚寡若用銀瓶則民何以貿易哉

或議曰宜用銅錢然國俗久不用錢一朝遽令用之
民必興謗或曰宜用碎銀然散出民間而無標識則
貨幣之權不在於上亦爲未便今銀一兩其直八疋
宜令官鑄銀錢錢有標識隨其兩數輕重以準帛穀
多寡比之銀瓶鑄造易而用力少比之銅錢轉輸輕
而取利多官民軍旅庶幾有便凡產銀之所復其居
民令採納官其國人所蓄銀器悉令納官鑄錢以與
之并用五升布則公私便矣且其布子自丁酉爲始
納官標印然後方許買賣其掌印之官內則京市署
主之御史臺考之外則知官以上主之存撫按廉以

時糾察如有用無印布及掌印者循任縱者並理以
法則數年之間將見詐偽絕而物價平矣恭讓王二
年六月以大明錢貫與本國布疋難以準計今後
每一貫準布五疋三年三月中郎將房士良上書曰
天下之間雖方殊而俗異其士農工商各以其業資
其生以有易無彼此通用者錢也自禹鑄塗山用設
九府以來至于今通行者無他其質堅貞其用輕便
火不燒水不濕質遷而益光致遠而無咎鼠不能耗
刃不能傷一鑄之成萬世可傳故天下寶之本朝麤
布之法出於東京等處若干州郡且此布之弊用無

十年之久乍遭烟濕便爲灾朽縱盈公廩未免鼠漏
之傷願立官鑄錢兼做楮幣爲貨一禁麤布之行王
納之四月命三司會計中外錢穀出納七月都評議
使司奏罷弘福都監爲資贍楮貨庫請造楮幣曰竊
聞禹九年水湯七年旱以歷山庄山之金並鑄幣以
救民困至周太公又立九府圜法此錢貨之始也自
漢至今代各有錢若宋之會子元之寶鈔則雖變錢
法實祖其遺意蓋亦莫非備灾患而便民用也吾東
方之錢如三韓重寶東國通寶東國重寶海東重寶
東海通寶載之於中國傳籍蓋可攷也近古又造銀

瓶爲貨皆與布疋子母相權後因法弊銅錢銀瓶俱廢不行遂專用五綜布爲貨近年以來布縷麤疎漸至於二三升女功雖勞而民用不便輸之則牛汗積之則鼠耗商賈不行米穀踴貴蓋由於此今殿下勵精圖治政化更新唯此一事尚循舊弊如有一二年水旱之災數十萬軍旅之費則將何以處之爲今之計銀銅既非本國所產錢瓶之貨卒難復行宜令有司參酌古今依倣會子寶鈔之法置高麗通行楮貨印造流布與五綜布相兼行使聽民間買賣諸物及赴京外倉庫場所折納諸色米貢物貨其疎縷之布

一切禁之庶爲便益四年四月侍中沈德符等上言一曰革資贍楮貨庫其已印楮貨還合作紙其印板則令燒毀之二曰國家錢財出納都評議使司於該司直行文牒而該司以其原額及糜費之數每當月晦輒報三司

市估顯宗五年六月三司奏物價騰踊麤布一疋直米八斗雖因歲稔乃穀賤何請量其輕重增損其價從之忠烈王八年六月都評議使司榜曰民生之本在於米穀白金雖貴不救飢寒自今銀瓶一事折米京城率十五六石外方率十八九石京市署視歲豐

欵以定其價九年七月監察司出榜舊例銀瓶直米
二十石今改定十石九月以市人不行貿易乃許復
舊忠肅王十五年十二月資贍司狀申銀瓶之價日
賤自今上品瓶折實布十疋貼瓶折布八九疋違者
有職徵銅白身及賤人科罪判可時鑄銀瓶雜以銅
銀少銅多故官雖定價人皆不從忠惠王後四年七
月令各寺院買古銅瓶隨等差以進少不下三十口
瓶價更高恭愍王十一年十一月米四斗直布一疋
金銀價賤或有金一錠米當五六石中外皆然辛禡
七年八月京城物價踊貴商賈爭利錐刀雀螢疾之

凡市物令京市署評定物價識以稅印始許買賣無
印識者將鈎脊筋殺之於是懸大鈎於署以示之市
人震慄事竟不行恭讓王三年三月中郎將虜士良
上書曰司馬遷曰用貧求富農不如工工不如商刺
繡文不如倚市門臣亦以為四民之中農最苦工次
之商則遊手成羣不蠶而衣帛至賤而王食富傾公
室僭擬王侯誠理世之罪人也竊觀本朝農則履畝
而稅工則勞於公室商則既無力役又無稅錢願自
今其紗羅綾段綃子緜布等皆用官印隨其輕重長
短逐一收稅潛行買賣者並坐違制

鹽法

國家所資鹽利最大國初之制史無可攷忠烈王十四年三月始遣使諸道權鹽十八年七月分遣鹽稅別監于慶尚全羅忠清三道二十二年六月中贊洪子藩上書曰鹽之有稅已有定額今於州縣強行科斂誠宜禁之二十四年正月忠宣王卽位教曰鹽稅自古天下公用今諸宮院寺社與勢要之家皆爭據執不納其稅國用不足有司窮推除罷忠宣王元年二月傳旨曰古者權鹽之法所以備國用也本國諸宮院寺社及權勢之家私置鹽盆以專其利國用何

由可贍今將內庫常積倉都鹽院安國社及諸宮院內外寺社所有鹽盆盡行入官估價銀一斤六十四石銀一兩四石布一疋二石以此爲例令用鹽者皆赴義鹽倉和買郡縣人皆從本管官司納布受鹽若有私置鹽盆及私相貿易者嚴行治罪於是始令郡縣發民爲鹽戶又令營置鹽倉民甚苦之楊廣道鹽盆一百二十六鹽戶二百三十一慶尚道鹽盆一百七十四鹽戶一百九十五全羅道鹽盆一百二十六鹽戶二百二十平壤道鹽盆九十八鹽戶一百二十二江陵道鹽盆四十三鹽戶七十五西海道鹽盆鹽

戶并四十九諸道鹽價布歲入四萬正忠肅王五年
五月下教太尉王浚慮朝聘之需不給以諸道鹽盆
悉屬民部平價給鹽以利公私今鹽場官先徵價布
鹽不及民者十常八九其考未受鹽者悉給之十二
年十月下教各處鹽戶人有定數貢有定額近年以
來鹽戶日損貢數仍存內外管鹽官不行察體以逋
戶貢鹽加徵貢戶以充本數民甚苦之如有逋逃者
所在官司推還本役其有未得根尋與夫故歿無後
者並除貢數諸倉貢民亦依此例忠惠王元年七月
置五道鹽場別監尋罷之恭愍王六年九月分遣諸

道鹽鐵別監右諫議李穡起居舍人田祿生右司諫
李寶林左司諫鄭樞等上書論鹽鐵別監之弊曰今
特遣別監以鹽鐵為名民聽必駭下一新令吏緣為
姦弊生百端別監必欲多得稅布因以要寵民不受
鹽無異平日納布之苦今益甚矣若今存撫按廉行
之民以為常不至驚駭特以歲月課其功緒民不敢
違必有成效况永陵之時凡所聚斂無所不為獨於
鹽鐵別監一試之而不復議况今一遵祖宗之法以
清明為治而議及於此恐為盛代之累王召宰相臺
省問鹽鐵利害穡寶林稱疾祿生樞固執前議左諫

議南兢與同列素不相能獨曰遣之便左侍中廉悌
臣亦言鹽鐵使業已定矣不可改也王從之九年四
月除各道鹽稅十一年密直提學白文寶上劄子忠
宣王時所定鹽戶因散亡元額日減明鹽不足然民
間朔布則一依前例收納故鹽沒布在吏緣為姦民
雖納布而未受一升之稅今後以鹽多寡準布之數
均給以此為式十二年五月教曰鹽法之設本以裕
國便民法久弊生反為民患宜令各道存撫按廉使
取勘鹽戶見數給鹽方許納布十九年十二月門下
府啓曰權鹽之法尚矣是以先王置鹽倉於濱海之

州乃令漢陸之民納稅和賣以通上下之利近者法
久弊生納稅而未受者或至十年民無所賴私販遠
興非先王之本意也請自今令鹽戶安其所業又使
守令償民所納仍禁私販王從之恭讓王二年八月
都堂啓東西兩界境連上國且因水旱民生艱難請
減鹽稅從之三年七月都堂啓鹽鐵國課之大者本
朝鐵人皆私之而官未立法宜置冶官鐵戶一如鹽
法以資國用上從之然事竟不行

科斂

凡國有大事用度不敷則臨時科斂以支其費焉毅

宗十一年十月以太府寺油蜜告匱徵斂諸寺院以充齋醮之費高宗十三年三月令諸王及大小臣民出豆有差以助元軍屯田牛料十八年十二月令百官出衣有差以助國贖諸王宰樞以上卷錦二色綾衣三四品二色綾衣五品權參以上綈紬衣各一領四十年十二月以進奉及饋遺蒙古諸官人永寧公妃主妃母洪福源等金銀布帛不可勝計府庫皆竭令文武四品以上出白金一斤五品紈布四疋權參以上三疋八品以上一疋以充其費四十六年四月遣太子偁奉表如蒙古文武四品以上各出白金一

斤五品以下出布有差以充其費元宗元年十月中書門下奏收外官銀器於新興倉以支國用二年四月遣太子諶如蒙古賀平阿里孛哥時宰樞至四品人出銀一斤五品人出白紈布二疋六品一疋七八九品二人並一疋以助行李之費五年七月命外方各道科斂白銀以備親朝盤纏七年七月權臣金俊令四品以上出銀有差充國贖十一年十一月命宗室百官出紬絹有差以供軍衣十二年二月命有司斂銀物布貨宰樞各出白銀一斤三品紈布四疋四品三疋五六品二疋七八品一疋以充親朝之費十

一月以蒙古軍馬久留府庫價竭供給不支斂馮料于京中戶二石民多逃散乃減一石十三年十二月又斂馬料于各班三品六石四品五石以至微官收斂有差是月世子謀如元出大府黃金三斤七兩長興庫白金四百三十斤七兩興王寺一百五十斤安和寺一百斤普濟寺七十斤又令宰樞承宣以上各出一斤以充行纏十四年二月令六品以上出酒有差以餉軍士六品以下輸馬料于開城又令諸王宰樞四品以上各出馬一匹五六品二并出一匹或奪民馬以換軍士瘦馬五月令百官出銀有差以充世

子嘉禮之費忠烈王元年三月以帑藏匱竭斂白銀諸王宰樞承宣班主八兩宰樞致仕及三品六兩三品致仕及四品四兩五品三兩六品二兩以充客使之求十二月置盤纏色斂銀諸王宰樞承宣班主一介宰樞致仕者正三品十三兩從三品十一兩以至權務尉正各出有差坊里二戶并一兩又斂銀及紵布于各道四年正月令諸王宰樞至權務出草料有差以餉忻都茶丘軍馬二月又令諸王至權務出芻豆以給忻都茶丘軍馬十二月宰樞請親朝許之令自諸王至五六品出細紵布有差以充國贖五年十

月斂諸王百僚銀紵有差以充盤纏十四年十月兩
府宰樞議先王設倉廩儲蓄積以充國用而備凶荒
比來郡縣惟患賦稅多欠百官月俸且未準給國家
如有不虞之需將何以支宜立直倉員吏據兩班祿
科田數當秋科斂以贍其用從之於是張榜約日斂
米隨品有差至於工商賤隸科等收納十五年二月
遼東饑元遣張守智等令本國措辦軍糧十萬石轉
于遼東王命羣臣出米有差諸王承旨以上七石致
仕宰樞三品以上五石散官宰樞三石散官三品二
石致仕三品顯任四品四石散官四品一石五品三

石散官五品八斗侍衛將軍六品二石七八品參上
副使僧錄職事一石九品參外副使八斗權務隊正
別賜散職七斗軍官百姓公私奴婢以五斗三斗爲
差富商大戶三石中戶二石小戶一石各道輸米有
差唯除東界平壤二道三月又令羣臣加出米有差
二十一年四月遣大將軍劉福和祇候金之兼等送
錢幣于世子時世子請婚其費不貲內則七品以上
科斂白金外則減慶尚道甲午年租稅分給郡縣每
白金一斤折米三十石徵求急於星火民甚苦之又
遣中郎將宋瑛等航海往益都府以麻布一萬四千

正市楮幣王欲親往為世子行聘禮乃於金羅忠清
兩道家抽麻布以軍糧抑買怨讟益興恭愍王三十
一年九月以調度不給增斂於民大戶米豆各一石
中戶米豆各十斗小戶米豆各五斗名之曰無端米
民甚苦之無端言無妨辛禡五年三月置盤纏色令諸君
兩府至九品時散勿論各出五升布隨品有差十年
八月令兩府至六品出金銀有差又括斂諸道以充
歲貢是月都堂取魯國大長公主真殿金銀器以充
其不給十一年十一月令國人隨官品出馬以充歲
貢恭讓王四年二月令百官出馬有差以充進獻

借貸

凡公私借貸以米十五斗取息五斗布十五疋取息
五尺以為恒式成宗元年十月制令民間借貸債出息
者子母相侔更勿取息顯宗二十二年五月令公私
貸民穀米者只取其本蠲其息靖宗九年十二月判
諸公私米布貸者身歿後勿許追徵文宗元年立子
母停息之法貸一石者秋納一石五斗二年一石十
斗三年二石四斗停息五年三石六年後停息忠烈
王三十四年十一月忠宣王下教曰市肆商賈貿遷
有無資生在前迎送國贐宴禮諸色官虛給文契取

用百物不還其直甚者公然攬奪怨讟不少宜令各
司檢考文契如數歸還今後盡行雇買不得騷擾外
方民吏無因科斂煩重至有轉賣男女貨物納官積
年未還實可哀矜宜速公還其直付其父母忠肅王
十二年十月下教公私諸債年月雖多只還一本一
利如有倒換文契恣行不法者官治其罪貧民未償
宿債賣其子女者所在官司贖還父母役使歲月既
準其價官收文契各令放還恭愍王十一年密直提
學白文寶上劄子貧民歲耕數畝租稅居半故不能
卒歲而之食至明年東作之時稱貸富戶之粟以備

種食今官吏不恤民患以禁富民縱貸倍息自後勸
勉富民優其貸假依例子毋停息貸者延引歲月而
妄訴債主者當科其罪辛禡元年二月宥旨外吏上
京因各司催納貢物及徵拖欠稱貸私錢倍償其直
害及於民仰都評議司置常平濟用庫止取其本以
便借用其外方州府亦令置之除任領內倍償之弊
各官司除都評議司行移外毋得擅行徵納公私營
息錢糧止取一本一利貸者不在毋令徵及族人
有取利中之利徵還貸者洪武八年二月十三日以前
典當子女無論久近並許放還四年十二月憲司上

疏論時弊諸道公庾所儲米豆貧民多糶利其無滋
息屢歲不納按廉守令互相遞代不能糾察因此國
用日就虛竭乞依元糶之額督徵輸倉自今於一石
取息三斗以救其弊恭讓王元年十二月大司憲趙
浚等上疏凡公私滋息一本一利耳比來貨殖之徒
惟利是視一本之利或至于十倍假貸之徒鬻妻賣
子終不能償故國家已有禁令今供辦都監寶米滋
息無窮至使貸者喪家失業非國家恤民之意也願
自今一本一利毋得剽取

漕運

國初南道水郡置十二倉忠州曰德興原州曰興元
牙州曰河陽富城曰永豐保安曰安興臨陂曰鎮城
羅州曰海陵靈光曰芙蓉靈巖曰長興昇州曰海龍
泗州曰通陽合浦曰石頭又於西海道長淵縣置安
瀾倉倉置判官州郡租稅各以附近輸諸倉翼年二
月漕運近地限四月遠地限五月畢輸京倉限內發
船因風失利梢工三人以上水手雜人五人以上并
米穀漂沒者勿徵限外發船梢工水手三分之一敗
沒者其官色典梢工水手等平均徵納成宗十一年
定漕船輸京價運五石價一石通潮浦前號末潮浦
泗州通陽倉

在螺浦前號骨浦合浦運六石價一石波平浦前號夫沙
浦樂潮陽浦前號海龍倉在焉風調浦前號西良浦海安
浦前號麻老安波浦前號北陽縣利京浦前號名丁麗
水浦前號太原郡銀蟾浦前號平原郡運八石價一石潮
東浦前號長興倉在焉南海浦前號通義郡通津浦前號置乙
浦羅州海德浦前號務安郡崑岡浦前號陰竹縣黃麗浦
前號黃海葦浦前號長洲縣運九石價一石利通浦前號
利內地前號海葦浦前號芙蓉浦前號阿無浦靈光
屈乃浦前號涉浦前號在希安郡前號芙蓉浦前號阿無浦前號靈光
合豐郡前號涉浦前號在希安郡前號芙蓉浦前號阿無浦前號靈光
速通浦前號承化郡朝宗浦前號鎮城倉在焉濟安浦前號
無浦前號保安郡前號古塚浦前號安山郡前號西河郡前號豐州前號運十
安興倉在焉

三石價一石利涉浦前號葛城風海浦前號松弗懷
海浦前號新平郡伊彌前號便涉浦前號州河陽倉在焉運十五石
價一石媚風浦前號漢南支息浪浦前號加白川浦前號
金多川前號運二十一石價一石潮海浦前號草浦清水
大川前號廣通浦前號孔岩縣楊柳浦前號金浦德陽
浦前號德陽支靈石浦前號名居安浦前號慈石
浦前號甘岩運十石價一石澄波浦前號登安石浦
前號犯柳條浦前號柳梨花浦前號滌花浦前號寺
貴伊浦前號柳條浦前號仰高浦前號陽原浦前號荒花浦前號梯浦前號花連
浦前號恩波浦前號仇虞山浦前號神魚浦前號寺前號並楊

根運十八石價一石尚原浦前號上津村和平浦前號
無限鹵水浦前號未音從山浦前號居知運二十石
價一石德原浦前號置音涓涓前號下置音丹川浦前號赤於同德浦
浦前號同志涓涓前號始興郡丹川浦前號同郡
靖宗朝定十二倉漕船之數石頭通陽河陽永豐鎮
城芙蓉長興海龍海陵安興各船六艘並哨馬船一
船載一千石德興二十艘興元二十一艘並平底船
一船載二百石文宗三十三年正月判公私漕運穀
米梢工水手等托為敗船溺水私自分用者並令徵
之

祿俸妃主祿

宗室祿

文武班祿

高麗祿俸之制至文宗大備以左倉歲入米粟麥摠
十三萬九千七百三十六石十三斗隨科準給內而
妃主宗室百官外而三京州府郡縣莫不有祿以養
廉恥而以至雜職胥史工匠凡有職役者亦皆有常
俸以代其耕謂之別賜西京官祿以西京大倉歲輸
西海道稅糧一萬七千七百二十二石十三斗給之
外官祿半給於左倉半給於外邑高元以後國家多
故倉廩虛竭祿秩不如元料宰相之俸數斛而已今
取其制之可攷者具列于後

妃主祿文宗三十年定二百三十三石五斗諸院二

百石貴淑妃諸公主宮主仁宗朝更定三百石妃王二百石妃貴淑

宮主

宗室祿文宗三十年定四百六十石十斗公四百石

侯三百五十石尚書三百石尉侯二百四十石守司

空二百二十石空仁宗朝更定六百石公三百五十

石諸公尚三百石侯二百四十石伯二百二十石守

空司

文武班祿文宗三十年定四百石中書尚書令三百

六十六石十斗中書門下三百五十三石五斗諸殿大

知政事中樞院三百三十三石五斗左右僕射三百石六

尚書左右常侍御史大夫中樞院直學士判閣門事上將

軍二百八十石試六尚書二百四十六石十斗判禮

尉大府司二百三十三石五斗書左右丞國子祭酒

判將作少府二百三十三石五斗尚書左右丞國子祭

酒二百石直門下判司天大醫事吏部諸曹侍一百

八十石試諸侍郎給事中中丞一百七十三石五斗天

監左右諫議將一百六十石引進使諫議將一百

五十三石五斗大醫監少少卿國子司業秘書殿中

進一百四十石試大醫監少少卿國子司業使試引

十石 端天軍器少監左右司吏部諸曹郎中御史雜
卿一百石 部諸曹郎中御史雜端秘書殿中丞九十
三石五斗 侍御八十六石十斗 外郎左右吏部諸曹員
侍御史六局 八十六石四斗 少監八十三石五斗 試
奉御郎將 八十六石 太史令 七十三石五斗 監左右司
居舍人 八十石 太史令 七十三石五斗 監左右司
吏部諸曹員 外 六十六石十斗 給事左右拾遺六衛
郎六局奉御 外 六十六石十斗 給事左右拾遺六衛
長史七寺丞 侍御醫試引進副使 六十三石五斗 閣
太史令大初春德門重光殿侍衛 六十三石五斗 閣
祇六十六石 試諸陵大廟令 五十三石五斗 祇書郎國子
內庫使試諸 四十六石十斗 門下錄事 中書注書 三十六
陵大廟令 四十六石十斗 門下錄事 中書注書 三十六
祇書郎國子大府 四十六石 崇班 四十石五斗 司天
將作丞內庫使 四十六石 崇班 四十石五斗 司天

四十石 尚書都事七寺主簿少府將作國子 三十六
石十斗 試尚書都事七寺主簿 三十三石五斗 掖庭
伯散 三十三石 試司 三十石 西頭供奉官 二十七石
員 三十三石 試司 三十石 西頭供奉官 二十七石
大盈大樂掌冶供驛內園典廐 二十五石 試大學 二
令太史丞司天主簿左右侍禁 二十五石 試大學 二
十三石十斗 內侍掖庭 二十三石五斗 尉試中尚大倉
大官大盈大樂掌冶 二十二石五斗 諸陵大 二十石
供驛內園典廐令 二十二石五斗 諸陵大 二十石
四門博士武學博士六衛錄事 中尚京市丞軍器主
簿都染雜織良醞司儀典獄守官 內庫副使靈臺
郎保章正校書校書郎殿 十八石 正陽殿 十六石十
前承旨試諸陵大廟令 十八石 正陽殿 十六石十
斗 諸殿學士大倉大官大盈大樂掌冶 供驛內園典
廐丞都校掌牲令諸王府典籤內謁者翰林醫官

皇朝通志卷之六十一
四十一

大醫博士丞律學博士太史挈壺正隊正十四石內謁十三石五斗三司
十石國學學正學錄都染雜織良醞司儀典使守宮
食醫尚乘司庫司廩祕書正字律學助教司天
正博士書箒博士呪噤博學諸王府錄事大醫助教
正醫

外官祿仁宗朝定二百石西京一百六十六石十斗

東南京一百二十石安南小都護使八都護副使安邊

十六石十斗北東西南都護判官安邊八牧判官諸知州府

郡六十石雲龍延昌靜朔麟孟定長義等州寧德元興寧遠等鎮判官靜邊

德寧遠等四十六石十斗西京緝事宣鐵和金梁四

十石東南南京掌書記安邊安南都護判官安北安

龍麟延孟昌義靜朔長定等州判官定戎清塞平虜
威遠寧仁寧朔宣德寧德元興寧遠等鎮判官靜邊
永興鎮溟龍津長平朝陽白嶺等鎮將撫渭博嘉肅
慈郭殷成順德高文豫龜泰宜交等州副使安義鎮
副三十三石五斗宣鐵和金梁禮溟豐蔚等州判官
使高城杆城三陟蔚珍固二十六石十斗成順德撫
城巨濟縣等十二縣令郭嘉龜奉
渭肅慈殷高文豫宜谷平春東交水仁原洪公岐昇
等州判官昇天安長興安東京山開城等府判官
南原古阜靈岩靈光寶城密城判官安義陽岩雲林
監守等鎮將靜邊龍津長平朝陽白嶺等鎮副將
溟縣尉西京六縣令江華耽羅長湍海陽遂安嘉林
富城金口臨陂進禮金堤南海珍島綾城管城大丘
一善義城基陽順安延日東萊二十三石五斗龍岡
萬項牛峯盈德金浦等縣令咸從
通海永清高城杆城金壤翼嶺三陟二十石京西南
蔚珍瓮津固城等縣尉安戎鎮將京西南
安西都護黃廣清忠全羅晉尚龍等州法曹求豐樹
德等鎮將十三倉判官西京六縣尉嘉林富城臨陂

進禮金堤海陽綾城耽羅管城大丘一善十六石十
江華義城順安東萊遂安等縣尉諸監務
斗安南都護法曹十五石十斗安邊都護法曹十三石五斗
開城昇平安東京山等府春公洪等州法曹

宣宗五年閏十二月判文武百官三月前差六月前
出官人全祿六月後出官半祿三月後六月前差十
月前出官半祿十月後出官除祿睿宗十年三司改
定祿折計法大絹一疋折米一石七斗絲絛小絹各
一疋折七斗小平布一疋折一斗二升五合大綾一
疋折四石中絹一疋折一石絲絛一疋折六斗常平
紋羅一疋折一石七斗五升大紋羅一疋折二石五

斗忠烈王六年十月以修戰艦營宮室右倉罄竭不
支令左倉量減雜權務封倉祿俸以補右倉之費後
有右倉所入抵數輸還然左倉亦竭宰樞封倉減半
前科雜權務唯粳麥各一石耳九年正月賜武士屬
散者六十餘人今年俸政房欲釋怨止諉故有是命
忠肅王十一年三月教曰食君之祿而二其心非人
臣也其上書京師請立藩王者三品致仕以上皆停
祿俸十六年十月廣興倉頒祿時國無紀綱人無廉
恥諸衛散員別將等親到倉門或冒受或劫奪糾正
不能糾治手執鞭杖終不能禁恭愍王元年正月監

察司啓請諸君閒居食祿請停俸從之二月下旨重
祿勸士國初蓋有成法中世以降井地不均公府漸
耗官吏不足以養廉欲望其礪節難矣有司祛不急
之官禁兼并之家以實倉廩以增俸祿五年六月教
曰忠信重祿所以勸士宜令有司量宜加給且雞林
福州京山府所供綾羅紬布毋得納德泉庫輸之廣
興倉以備百官之俸六年九月頒祿時因倭寇漕運
不通九品祿科不給七年五月都評議使司啓近因
倭寇漕運不通百官祿俸不給請諸封伯已行侍中
者從宰樞科其餘伯依異姓諸君科從之十一年密

直提學白文寶上劄子曰三代之制大國方百里其
次方七十里大國之卿祿可食二百八十人大夫
可食七十人士可食三十六人下士與庶人可食九
人今吾東方千里者二山林雖居其半十倍於百里
之國而卿大夫之祿不足以食九人況其餘乎重祿
之術宜令所司五品以上更議申聞恭讓王二年七
月都堂啓曰非有功不封古之制也近來不論功德
之有無官資之崇卑封君者太多乞自今非立大功
封君及贊成事以上封君者不許給祿從之三年正
月三司左使成石璘請官官祿每品減一等王只罷

月俸十月頒封倉祿一品至三品各賜一石其餘各品不及

常平義倉

常平義倉昉於漢唐饑不損民豐不傷農誠救荒之良法也國初祖其意而初置黑倉至成宗五年七月教曰予聞德惟善政政在養民國以人爲本人以食爲天肆我太祖爰置黑倉賑貸窮民著爲常式今生齒漸繁而所儲未廣其益以米一萬石仍改名義倉又欲於諸州府各置義倉攸司檢點州府人戶多少倉穀數目以聞十二年二月置常平倉于兩京十二

牧教曰漢食貨志千乘之國必有千金之價以年豐歛行糶糴民有餘則斂之以輕民不足則散之以重今依此法行之以千金準時價金一兩直布四十疋則千金爲布六十四萬疋折米十二萬八千石半之爲米六萬四千石以五千石委上京京市署糶糴令大府寺司憲臺其管出納餘五萬九千石分西京及州郡倉一十五所西京委分司司憲臺州郡倉委其界官員管之以濟貧弱忠烈王二十二年六月中贊洪子藩上書國以民爲本民以食爲天國家素無儲蓄倘有凶荒難以救活宜於中外初置義倉戶斂米

穀以時收積以備緩急恭愍王二十年十二月教曰
救荒賑飢王政所急忠宣王嘗置有備倉又設烟戶
米法其慮甚遠比來名存實亡殊失賑濟之意其復
忠宣王常平義倉之制辛禡四年八月憲司上言諸
道連年旱荒軍食不給民轉溝壑誠可痛心宜令守
令審今歲豐凶之狀量戶大小出穀有差藏之州廩
以救來歲之荒且備不虞之用恭讓王元年十二月
大司憲趙浚等上疏曰常平義倉之法救荒之長策
耿壽昌義倉之奏長孫平社倉之議其法蓋出於周
官委人之職有國家者所當先務也去歲盛夏興師

加以倭寇耕種愆期收穫失候今年又被水災東南
州郡蕭然赤立救荒之策不可不慮也國家既革私
田所至皆之蓄積願自今郡縣皆置常平倉其豐凶
斂散之法一依近日都評議司所奏竊聞楊廣道已
置常平倉宜令各道依此施行守令有不如法者罰
之三年四月置五部義倉

賑恤

恩免之制

水旱疫癘賑貸之制

災免之制

蠲寡孤獨賑貸之制

恩免之制太祖元年八月詔曰朕聞昔漢高祖收項
氏之亂後令民保山澤者各歸田里減征賦之數審
戶口之虛耗周武王黜殷紂之虐乃發鉅橋之粟散

鹿臺之財以給貧民者蓋爲亂政日久人不樂其生
故也朕滾慙寡德獲統丕基雖資天助亦賴民推冀
使黎元安堵比屋可封然承前主之地運苟不蠲租
稅勸農桑何以臻家給人足乎其免民三年租役流
離四方者令歸田里仍大赦與之休息景宗卽位蠲
欠債減租調成宗卽位放三年役減租稅之半七年
十月宋遣禮部侍郎呂端來冊王王宣赦蠲欠負恤
賑窮之十三年四月有事大廟大赦恤孤獨賞耆舊
蠲欠負放逋懸十六年八月幸東京減所過州縣人
年田租之半十二月穆宗卽位放三年役除一年租

恤耆舊蠲欠負放逋懸四年十一月幸中原府巡省
風俗所歷州縣減田租一年其旅程祇奉州縣半
之顯宗五年十二月減今年租稅之半蠲壬子年以
前逋欠九年十二月蠲州郡二年以前逋欠租十二
年二月復安州民戶二年蠲庚戌年以來逋租之半
文宗十年十一月侍中李子淵上言近因躬造興王
寺移德水縣於楊川由是百姓營葺廬舍未遑寧處
男負女提道路相繼貧者有擠壑之憂富者無按堵
之所當今視民如子覆民如天請蠲德水縣一歲賦
役制特蠲兩年十一月四月詔曰兩行冊封使副同

時偕至其所過州縣減今年租稅之半三十六年九月王南巡至溫泉十月還京緣路州縣程驛放今年租稅之半獻宗元年冬肅宗即位詔免州縣今年租稅其徭貢未納者限癸酉年蠲免三年十月拾享于大廟諸州府郡縣部曲減今年租稅之半五年二月免州府郡縣部曲雜所今年稅布半七年十一月王自西京還次臨沮驛宣赦沿途州縣減今年田租睿宗元年三月西海按察使奏谷州峽溪縣民多流亡頗闕貢賦請蠲三年租稅制可三年二月以封王太后諸州郡縣進奉長吏從卒等各田丁稅布全放內

庄宅及宮院諸寶

寶者方言以錢穀施納存本穀米取息於利久遠故謂之寶

請貸未還者限乙未年東西州鎮及諸州縣鄉部曲等雜所長吏漏失雜物色徵還及徭貢未收者限乙酉年銀金限癸卯年並皆放除仁宗十四年五月詔諸州縣兵築城者水軍轉輸軍餉者賜今年田租之半毅宗十六年四月蠲諸道郡縣逋租二十一年九月王自南京還蠲南京廣州今年租稅輸役其餘州縣半之二十三年四月還自西京下詔曰所歷州府郡縣貢稅輸役許令全放公私息利亦皆減除高宗二十二年五月詔廣州於辛卯壬辰年狄兵圍攻能

固守不下其免常徭雜役四十年六月宣旨轉米以下雜貢稅及諸宮院所同公廨田科式未收限庚戌年全放諸宮院內外兩班大小寺社不實穀食據給年遠一切放下諸州府郡縣百姓受公私穀食物故者雖入秋成依前判死及流配勿徵之意並蠲除殘凶尤甚州縣輸養帳限庚戌年以上全放兩界州鎮將相將校祿及例食停給者還給將作監柴炭未收限庚戌年以上全放四十四年閏四月蠲丙辰年以上逋租元宗元年六月下制蠲丁巳年以上公私逋租十年十二月以西海道諸郡有迎駕供億之艱蠲

今年租賦忠烈王四年四月教曰歷觀西海郡縣凋弊已甚自丁丑至今年租稅徭貢皆免之八年二月蠲征東戰亡者欠負官錢五月教曰開城聖祖之鄉常稅外他徭役皆蠲之九年五月蠲免公私逋欠錢二十二年正月下旨蠲外貢三年貧民因租稅而鬻子者官贖還之二十四年正月忠宣王即位下教曰哈丹入境州郡望風迎降唯原州以孤城摧挫賊鋒其邑常徭雜貢宜復三年開城是祖鄉三大貢外除常徭雜貢諸州府郡縣稅及常徭雜貢往年未收者并今年徭貢亦令全除各道柴炭貢諸院寺官司所

屬公解田諸寶采等往年未收限丁酉年以上除之
入朝過行西海道三稅大貢外常徭雜貢及各驛柴
炭貢限今年全除忠肅王十二年十月下教曰西海
平壤兩道近因行李往來供億煩劇平壤道官給糧
以賑之西海道復今年租稅之半漢陽富原今值南
巡慮多供億其復今年租稅官吏貢賦欠納者截自
甲子年以前一切蠲免恭愍王元年二月下旨諸官
司貢賦自庚寅年以前一切蠲免十二年五月下教
曰庚子年以前諸道州縣三稅雜貢未到官者並免
追徵辛丑年以後所沒諸家之田悉充軍需其所奪

田土人民悉還舊主畿甸之民因亂流離田野多荒
若非寬恤何以招來其京畿公私田租限三年三分
減一自龍駒以北諸驛三道之衝供費尤多其柴炭
貢與免三年二十年十二月教曰民惟邦本近來軍
國事繁差發尤重其免洪武三年以前各道逋欠賦
稅辛禡元年二月宥旨近年以來軍需田戶困於重
斂遠輸多致荒畬凡係軍需田入量減三分之一十
四年六月辛昌卽位教曰貢賦之設自有定制近因
多故徵斂無藝民受其害各道州府郡縣往年逋欠
未納貢物一皆蠲免今戊辰年貢物亦以被罪人等

家財充用其有先納私錢下鄉倍徵者止償其本自
已巳年始納貢如舊其已發到官者不在此限恭讓
王二年九月都堂啓義州泥城江界爲國藩屏宜加
撫恤請蠲徭役從之

災免之制凡州縣奏水旱蟲霜輒蠲其租稅已輸者
折減來年數或有限三年寬減者今不能悉記顯宗
二十年七月以朔方道登溟州管內三陟霜陰鶴浦
涇州歙谷金壤碧山臨道雲巖豸猴高城安昌列山
杆城翼嶺洞山連谷羽溪等十九縣並被蕃賊侵擾
特蠲租賦靖宗二年密城管內牢山部曲等三所大

水放一年租稅十二月金州管內州縣水潦暴至隄
防潰溢壞廬舍損田苗遣使宣慰文宗四年二月西
北面興化道監倉使奏去戊子年道內昌州有蝗災
其年已納租稅者請依令文以損分多少折放從之
五年十一月免肅州通海永清安戎租稅六年蠲雙
阜萬頃沃溝利城四縣租賦十五年正月以龍泉驛
被水災減今明兩年租稅三十年鳳州水災蠲今年
租稅徭役肅宗六年六月以長淵縣頻年水旱免賦
役三年七年三月三司奏東京管內州郡鄉部曲十
九所因去年久旱民多飢困乞依令文損四分以上

免租六分以上免租調七分以上課役俱免已輸者
聽折減來年租稅制可明宗二十五年九月詔曰刑
政不中謫見于天比來督斂無已嗷咻者衆致有變
異其逋租限五年寬假公私宿債亦不問高宗三十
三年五月制以西海道州郡被兵蠲徭貢七年減谷
州樹德銀貢五年四十五年二月免海島移入州縣
一年租忠烈王三年十一月以慶尚道禾穀不稔減
租稅七年五月京城饑民菜食無鹽限九年蠲鹽稅
九月命被兵州郡蠲租稅又以忠清交州西海三道
因軍旅失業減柴炭貢辛禡元年二月宥旨各道州

郡屢因倭寇加以水旱民生凋瘵仰都評議司自癸
丑年以前祿轉雜貢未收者一皆蠲免其沿海州郡
被害尤甚去處甲寅年雜貢亦行蠲免已納到官者
準作下年之數延祐甲寅以後加定貢物量宜蠲除
閏九月都評議司奏各道州縣屢經倭亂殘亾太甚
其沿海各官常徭雜貢及鹽稅等全羅道限五年楊
廣慶尚道限三年蠲免從之七年三月全羅道按廉
報民多餓死諸戍卒及人民逃散過半崔瑩議請蠲
濱海州郡三年租稅從之恭讓王二年正月以年凶
減田租六分之一三年六月教諸道有水旱霜雹蝗

災州郡驗覆免租

鰥寡孤獨賑貸之制成宗十年七月判無父母族親
孩童有病者官給租救恤十三年三月命有司曰少
孤無養育者限十歲官給糧顯宗二年十二月教曰
鰥寡孤獨令所在賑給衣糧忠烈王三十四年十一
月下教曰七十以上無守護者其子孫犯罪流配宜
以罪之輕重移免孝養八十以上篤疾癘疾不能自
存者隨其所望勿論親疎許一名免役護養若無親
疎護養宜令東西大悲院聚會安集公給口糧差官
提調忠宣王五年八月鈞旨曰孤憫民食不足置倉

中外以廣積儲近因水旱民不聊生已發民部庫賑
窮調乏尚慮惻獨未盡蒙惠爾有司加發有備倉以
賑之忠肅王十二年十月下教鰥寡孤獨疲癘殘疾
者所在官司優加賑恤恭愍王五年六月教曰賊臣
之家所有米穀減價糶賣以救鰥寡孤獨不能自存
者

水旱疫癘賑貸之制顯宗三年五月西京水旱發倉
賑之七年九月江南饑饉轉關內倉穀賑之八年七
月賑京城貧民靖宗二年十一月修東大悲院以處
飢寒疾病之無所歸者給衣食五年東南海諸道州

縣禾穀不稔發義倉賑之六年二月靈光郡及臨陂
縣饑發義倉賑之文宗元年邊民饑發義倉賑之五
年二月制去歲不稔黎民阻飢以御史雜端金化崇
爲西京關內西道宣撫使兵馬判官金繼參爲北界
宣撫使發倉賑之六年二月關西安北兩道饑發倉
賑之三月京城饑命有司集飢民三萬餘人賜米粟
鹽鼓以賑之十八年三月以去歲水潦開國寺南設
食以施窮民四月制自五月十五日至七月十五日
於臨津普通院設粥水蔬菜以施行旅二十一年四
月制關內渭西道往歲禾稼不登人民飢乏發安瀾

倉賑之二十二年三月制去歲京北郡縣秋稼不登
民多飢乏遣國子司業李成美發倉賑之宣宗三年
十二月以清全二州水潦損穀遣禮部員外郎庾哲
發倉賑之十一年二月以東路高和文湧定長登交
等八州宣德元興寧仁長平永興龍津等六鎮因往
年水旱民多飢餓遣東路監倉使員外郎金義璿朔
方道監倉使閣門祇候蘇忠監察御史林衍等宣撫
賑濟睿宗四年正月以西京驛路百姓饑饉發倉賑
之五月制京內人民疫置救濟都監且收瘞屍骨十
二月分遣近臣賑興化雲中西海南京廣州忠清州

等諸道飢民仁宗五年三月詔濟危鋪大悲院厚蓄積以救疾病毅宗十六年四月發倉廩賑貧窮失所者明宗十八年八月關東諸城遭水灾移粟於朔方遣使發倉賑民二十三年三月分遣使于慶尚全羅楊廣道發倉賑飢九月發倉賑京城飢民高宗十三年三月制曰全羅道飢甚有蓄儲州郡宜發倉賑給其無蓄儲州郡各於私處取其贏餘賑給待豐年償之自甲申年後三稅常徭雜貢並皆停減以待豐年收納四十五年四月救急都監以年饑發雀竝倉穀賜太子府二千斛諸王宰樞各六十斛宰樞致仕及

顯官三品以上各三十斛三品致仕及文武四品各二十斛五六品各十斛九品以上七斛又賜兩班寡婦及城中居民軍士僧徒諸役人有差四十六年正月城中飢人相食移昇天府給糧與田又發倉賑宰樞寡婦前銜六品以下官及諸衛軍坊里人忠烈王六年四月發兵糧二萬石賑全羅道飢民又遣將軍金允富如元告糶中書省借兵糧二萬石賑慶尚全羅道至秋償之十三年二月賑東界飢民三月全羅道饑發倉賑之十七年六月元遣海道萬戶黃興張侑千戶殷實唐世雄以船四十七艘載江南米十萬

石來賑飢世子嘗奏比年國人征戍轉餉失其農業以致饑饉故有是賜於是頒米于七品以下七品七石八品六石九品五石權務隊正四石坊里大戶三石中戶二石小戶一石帝意本在貧乏今不先貧民富者所得居多十八年三月下教以忠清道因賊失農賜去年祿轉徭貢金羅道亦除程轉一千石以賑之閏六月元詔江南漕運萬戶徐興祥等二人運米十萬石來賑飢民遭風漂失唯來輸四千二百石王頒米于諸領府及五部戶各一石二十一年四月元遼陽省奉帝旨以江南運米三千石賑雙城忠宣王

三年三月傳旨東西大悲院本為醫理疾病而設令開城府同本院錄事受有備倉米以養疾病忠穆王四年二月遣使賑西海楊廣二道饑置賑濟都監王減膳以充其費發有備倉米五百石令賑濟都監施粥餓人又發金羅道倉米萬二千石以賑飢四月京城大饑疫道殣相望漕運金羅道米一千四百石以六百石分賑忠清西海二道以八百石減價換布五部貧民恭愍王三年六月以年饑發有備倉粟減價以市民置賑濟色于演福寺發有備倉米五百石糜粥以濟飢民九年六月京城饑大布一疋纔直米五

升王發廩二千石令民納大布一疋受米一斗十年三月龍州饑人相食發倉賑之十一年四月發龍門倉穀一萬石賑貸京畿飢民二十年十二月下教曰東西大悲院先王本爲惠民而設近年以來主者不爲用心致使貧病流離之人無所仰給予甚憫焉仰都評議使司司憲府常加體察取勘元屬田民以贍醫藥粥飯之資醫藥活人仁政所先國初郡縣皆置醫師民無夭札自今守令其訪醫人修合藥物以濟民命近因倭寇漕運不通遠近輸轉皆由陸路其令州郡修葺院館儲峙薪芻以便行旅二十二年四月

全羅慶尚道饑遣使賑之辛禡二年四月以李淑林爲西北面完護使往歲征北軍馬久留騷擾民多飢乏故遣淑林賫布千五百疋以賑之四年二月以租三百石賑江華府饑七年二月遣使賑慶尚全羅道饑八年二月賑慶尚全羅江陵道饑納粟補官之制忠烈王元年十二月都兵馬使以國用不足令人納銀拜官三年二月都兵馬使言古之鬻爵非令典也然國庫殫竭無以生財請如乙亥年判令無功及不次而求官者科等納銀國贖都監而後授職從之忠穆王四年二月征東省都事岳友章

從事前員外郎石抹完澤奉議等上書于王曰今高麗西海楊廣在城等三處自去年旱澇霜灾百物枯槁人民死者甚衆誠可哀憫本國已有選法將比合元朝入粟補官之例賑恤飢民似爲不負聖朝恤民之意其補官輸米者自身人從九品者米五石正九品十石從八品十五石正八品二十石從七品二十五石正七品三十石而止或有前職輸米一十石者陞一等四品至三品以上不拘此例

木齋家塾彙纂麗史卷之十六

